

# Gedichte

in

schwäbischer Mundart

von

W. Fr. Wüß.

P. O. germ. 1641<sup>2</sup>

Wuest.







# Gedichte

in

schwäbischer Mundart

von


W. Fr. Wüst.



Tübingen.

Druck und Verlag von G. Necker.

1857.



**Bayerische  
Staatsbibliothek  
München**

## Vorrede.

---

Die vorliegenden Gedichte sind im Laufe mehrerer Jahre entstanden, wie sich eben gerade ein Ereigniß darbot, das zu einer derartigen Bearbeitung passend erschien.

Der Verfasser glaubt hoffen zu dürfen, daß durch manche Nummern dieses Werkes die Lachmuskeln der verehrten Leser in Bewegung gesetzt werden.

Der Verfasser.

## Inhalts-Verzeichniß.

---

	Seite
Frieder erzählt im Wirthshaus den Festzug der Württemberger am 26. Sept. 1841	1
Jörgle und Hannesle bei dem Liederfest in Tübingen (den 24. Juni 1843)	22
Der Teufel im Baurenhaus	38
Das Lischrücken	42
Der gefährliche Ritt	45
Der ungefährliche Ritt	49
Das theure Schloßaufbrechen	52
Gespräch zwischen einem Städter und einem Bauer über das lange Regenwetter (im Juni 1856)	56
Der Spaz und das Milchbred	59
Der getröstete Bauer	61
Michel und der Jude	63
Die schlimme Fahrt	65
Das Tübinger Liederfest am 31. Mai und 1 Juni 1857	69

---



Frieder erzählt im Wirthshaus den Festzug  
der Württemberger am 26. Sept. 1841.

---

**Frieder.**

Grüß de Gott, mein lieber Kasper!  
I komm grad von Stnagert hear.  
Komm, jez trinka mer en Schoppa  
Do beim Hirschwirth, bei mei'm Schwäär.')

**Kasper.**

Do laß i mi net lang bitta,  
Wenn es zum a Schoppa geht;  
Aber du muast reacht verzähla,  
Wie's in Stnagert ganga hot.

**Frieder.**

Grad des will i Diar jez brichta  
Bei'm a guata Schöpple Wein.  
Maul und Nasa wurst uffperra,  
Sag is Diar so hoor und klein.  
(Frieder und Kasper kommen in die Wirthsstube,  
wo mehrere Bekannte sitzen.)

---

1) Schwiegervater.

Hansjörg.

Gucket nu, do kommt der Frieder  
 Grad vom Jubaläum hear.  
 Der wurd jeh verzähla könne —  
 Hirschwirth, no en Schoppa hear!

Frieder.

So, jeh passet uf, ihr Manna,  
 Wenn lahr Alles haitra weant!  
 Mir thäts, glaub i, 's Herz abdrucka,  
 Wenn is net verzähla könnt.

Wie ni do am Möntich Obed  
 Uf des Stugert eine kemm,  
 Sieh ni Bäm' und Kränz und Blumma  
 Onuag an alle Häuser rum.

Rauthe, gäale, bleche <sup>1)</sup> Lüacher  
 Send an viele Häuser g'hangt;  
 Und so schöne, graufe <sup>2)</sup> Fahna  
 Hänt schlar bis uf d' Stroß ra g'langt.

Und viel guldige Bruchstaka  
 Hau ni an de Häuser gseah,  
 Aber i hauns net verstanda,  
 Weil es ist lateinisch gwea.

---

<sup>1)</sup> rothe, gelbe, blaue.

<sup>2)</sup> große.

An der Leichionekaserna  
 Ueber'm Thor und in der Höh'  
 Ist vo lauter Flintajschlöffer  
 Nagmacht gwea a Hirsch und Lö.

Nuna M'rei (des Hirschwirths Tochter).  
 Velt do net äs Schulza Peter  
 Seit em März in Warlese?

Frieder.

Dear ist, schäh wohl, diar no liaber,  
 Als des Jubaläum do!

Kasper.

Ist denn des au menschamüglich,  
 Daß dia Schlösser ghalta hänt,  
 Daß dia zwoi net mit anander  
 Von der Höh ra purzlet send?

Frieder.

Wie mers gmacht hot, daß es ghalta,  
 Ja, jell wiß i net, beim Strohl!  
 Hot mers bunda oder gnaglet —  
 Ghebt und ghalta het's amel.

Beim a Bierhaus ist a Brunna  
 Uffe gspriht in alle Höh,  
 Und derhinter 's Königs Bildnuß  
 Ganz von Stein, gar wunderschö.

Vom a Haus hot abergucket  
 Nu a Man mit glitz'ge <sup>1)</sup> Büäsch,  
 Kleidet ganz durans in Eise,  
 In der Hand en schöne Espiaß.

In ra Stroß, wo viel Soldata  
 Mit auander d' Wack hänt ghät,  
 Het mer's no am besta gfalla,  
 'E ist a wahre Marität.

Trommla, Büchja, Bankaneter, <sup>2)</sup>  
 Kloidinga von alter Zeit,  
 Nu Kanona, schöne Sabel,  
 Wie mer's de Soldata geit.

Und des ist uf Januareisich  
 Nu an's Haus so nagmacht gwera,  
 Aber schön und bheb, <sup>3)</sup> des sag i,  
 Hättet iahr's nu selber gseah.

Und so ist in alle Stroßa  
 Ueb'rall gwera a grauße Pracht,  
 D' Stuagerter, sell muß mer jaga,  
 Hänt reacht viel Munkösta gmacht.

Dech 's Best' hätt i schiar vergeßja,  
 Dia schön Saul' an's Königs Haus;  
 'E ist an Engel droha gstanda,  
 Hebt a breite Tafel naus.

---

<sup>1)</sup> glänzend. <sup>2)</sup> Bajonette. <sup>3)</sup> fest.

Do send viele Leut rumglosa,  
Diner hot zum Andra g'sait:  
Sieh ni doch jech au dean Schiller  
Bei der guata Gleagheit.

„So, du moinst, des sei der Schiller?“  
Hot em dear zur Antwort gaa;  
„Des ist jo der Jubaläum,  
Do bist uf am Holzweag gwea.“

Denk i: des send reachte Dralle, <sup>1)</sup>  
Und wie ni no glachet haun,  
Dass mer des zum Fest hot gmachet,  
Kann jo gwis a Kind verstaun.

Seins a zwanzig ist druf gstanda,  
Worum? wisset lahr jo schawn.  
Seins a zwanzig solla nomal  
Grad so herrlich ummergaun.

Untarum an deara Saula  
Ist so gar schön gmolet gwea,  
D' Oberämter hots beditta —  
Drüber hot mer Bilder gseah.

Schrauböga, Schrafsaula  
An de Thor und gschrieka dran:  
Heil em König! — Jo, der Wilhelm,  
Unser König, ist a Man.

<sup>1)</sup> dummer Mensch.

Und as Nothhaus, des ist prächtig  
 Ausgestaffiert gwea um und um,  
 Nauthe Lüacher send do ghanget,  
 Und viel gschrleka oba rum.

Und mit Lent ist's ummerglosa,  
 Glaubet mers, es ist a Graus;  
 Währle! 's ist grad gwea, se schlupfet  
 Nelle aus am Woda raus.

Alte Herra, junge Bürstla,  
 Viel mit Brilla uf der Raj',  
 D' Weibaleut hänt anander grüaßet:  
 Guatan Obed, Fräla Baas!

Uf und a dia Stroßa ganga  
 Send se und hänt ufse guckt  
 An dia schöne Häuser alle,  
 Hänt anander schiar verdruckt.

Denk i: muas jeh doch au gucka,  
 Wo ni krlag a guats Quattier,  
 Komm do in a gar engs Gäßle,  
 Frog und guck, verirr me schier.

„Kau mer do net übernachte?“  
 Frog i Din, der rausguckt hot,  
 Sait: „Für Din geits no a Plätzle,  
 Des Uch schaun zu Diensta steht!“

Gschlofa hau ni wia a König,  
 Tromet <sup>1)</sup> het mers allerhand.  
 Wie ni uswach, het schaan d' Sonua  
 Brächtig gschiena nan an d' Wand.

Und raus bin i plöglisch gfahra,  
 Schlupf in meine Kleider nein,  
 Gang in d' Stub und laß mer geba  
 Glei vom BIRTH en Schoppa Wein.

Nimm en Nivvel <sup>2)</sup> Brod in d' Tascha,  
 Kauf mer no a Bagawurst,  
 Schöne Luiga um en Kreuzer,  
 Dia, denk i, send für da Durst.

So verslahn mit Leabesmittel,  
 Gang i in de Stroßa rum,  
 Froh dia Leut do ällermittelst,  
 Wo der Zug vorüber komm.

Wie ni des haun ghät vernomma,  
 Bin i flink gwera wia der Wind,  
 Gang in dia broit Stroß und find au  
 An dem Soil a Plägle gschwind.

Gots do net mit Menscha gwimmlet!  
 Alle wöllet vorna nan,  
 Daß se au da Zug reacht seahnet,  
 Daß mers net vertreibä kan.

---

<sup>1)</sup> geträumt. <sup>2)</sup> Stück.

Do muascht du di nu fest heba,  
 Gan ni für mi anedächt.  
 Was em Dina reacht und billig,  
 Ist em Andra grad au reacht.

Aber es hot gar lang dauret,  
 Bis der Zug anfanga hot;  
 Dritthalb Stund send schaun verganga,  
 Seit mer bei anander stoht.

Und doch send dia Leut geduldig  
 Und ganz in der Ordning gwea.  
 Büttel, Polizei, Landjäger  
 Hot mer aber nergeds gseah.

Endlich so em halber Elfe  
 Macht a Feldschlang dreimol „Puff!“  
 Uf des Zeicha fliega d' Fianster  
 Welle noch anander uf.

Ueberall hänt d' Leut rausgucket  
 Aus de Fianster und vom Dach,  
 Und dear Zug ist aberkemma  
 Die broit Stroß so allagmach.

Vorna dran viel prächt'ge Meiter,  
 Guldge Kleider hänt se ghet,  
 Schöne Sporn und schwere Säbel  
 Und a Hüatle wundernett.



Uf am Hüatle weiße Feadra,  
 Straußafeadra solle's sein.  
 Jeder Reiter mit ma Fahna  
 Zieget se zum König nein.

Und dia Gäul mit gulbne Vorta,  
 Schöne Fransa, Zottla dran,  
 Zäm' und Stanga wie von Silber,  
 Fraga stolz derhear iahr'n Man.

No send d' Betaraner komma, —  
 Des hot Nelle grüahrt, 's ist wohr, —  
 Mit viel Fahna, und so kloidet,  
 Wia vor seinf a zwanzig Johr.

Do hää au der König greinet,  
 Wia se zu nem komma send,  
 Denn er hää se no erinnert,  
 Wia s'en äls rausghaua hänt.

Bei de Betaraner älle  
 Häbs au nasse Nuga gea, —  
 Dran denkt häba se mit Freuda,  
 Wia ner sei iahr Feldherr gwea.

Und des därf Din gar net wundra,  
 Giang es uns net grad an so?  
 Liabt mer Din und sieht en wieder  
 Noch viel Johr, no wurd mer froh.

Druf send kemma dia Soldata,  
 Wo no wirklich diana thent,  
 Ofizier, Feldweabel, Omoine,  
 Via dia usgmaschieret send!

Und dabei a schöne Musig,  
 Anderst als beim Kirwetanz,  
 Und iahr Kloiding so staatsmäßig,  
 Bon schön Luach und Seida ganz

Merket jeh reacht uf, iahr Manna,  
 Spitz bei Muhra <sup>1)</sup>, Anna Frei!  
 Jeg ist ebbes Schöns hearkomma,  
 Jungfra so a hundert drei.

#### Anna Frei.

Send se schön gwea? was für 'Güatla,  
 Was für Kloidier hänt se ghet?  
 A schöns Wieder und a Lüachle,  
 Flotte Zöpf und Schüahla nett?

#### Frieder.

Schön gwea send se, nette Mädla,  
 Des heßt du verrotha wehl.  
 Aber i wur ganz verleaga,  
 Wenn i Alles b'schreibba soll.

---

<sup>1)</sup> Dhren.

Uf am Hoor so schöne Kränzla,  
 Wie wenns wäre lauter Bräut,  
 Geale Ring an Auhr und Finger, —  
 Ach, ist des a Prächtigkeit!

Und deino dia schöne Kleider,  
 Grad so weiß as wie der Schnai,  
 Ueber d' Achsel broite Bänder,  
 Schwarz und rauth und no viel mai.

### Hansjörg.

Gelt, do ist ders anderst woara?  
 Geisret hätt dein Bärbel gwieß,  
 Wenn se gsehn hätt, wie du änglest,  
 Und sia nu zuagucka müaß.

### Frieder.

Hansjörg, deine Wort in Ehra,  
 Aber laß mein Bärbel gaun.  
 Doch, du machst nu gern a Gspäße,  
 Moins't's net baiss, i kenn de schann.

Und jeh will i weiter brichte,  
 Daß du wieder zrieda bist,  
 No kanst ganz guat sehn und haira,  
 Wie nes Alles ganga ist.

Gwieß Zwoihundert send jeh komma,  
 Von de Oberämter gwählt,  
 Herr, Handwerksleut und Baura,  
 Neacht schön kleidet, ner hot gfeht.

Send ins Königs Haus nein ganga,  
 Got mers in a Stub nein geführt,  
 Und do ist der König gstanda,  
 Und se hänt em gratelirt.

Und gar freundlich sei der König  
 Gega seine Burger gwea,  
 Hüb en vielmol dankt und ihne  
 Gega uf da Heimweg gea.

Diner von de Depentirte  
 Hüb a bißle Langweil ghet,  
 Hüb a Jungfer gsehn am Fianster,  
 Ganz hauffehrlich und so nett.

Hüb se tätschlet uf iahr Achsel  
 Und hüb iahra d' Händla druckt,  
 Und hüb gsait: wie mit Convene,  
 Daß mer au do auße guckt.

Hansjörg.

'S ist vielleicht äs Königs Tochter,  
 Oder d' Könige gar gwea?

Frieder.

Sell net, aber a Prinzesse,  
 I hauns nochhear selber gsehn.  
 Nochmittags do hüb der König  
 Im an andra graufsa Haus  
 Deane Depentirte alle  
 Mangricht ghet en reachte Schmaus.

Häb do selber mit en trunka,  
 Sei rumganga hin und her;  
 Häb angstaufa mit Ramsthäler  
 Und an mit Champanninger.

Kasper.

Hann i doch no nia beim Wetter:  
 Ghairt von deam Champan'ger Wein!

Frieder.

Narr, dear wächst bei uns net, Kasper,  
 Grothet nu do überm Rhein.

Unser Schultes hot mitgschmauset —  
 Und do stellt er an sein Man;  
 Und der König hot no selber  
 Freundlich mit em gstaufa an.

Soll em nomel 's Gläse fülle,  
 Sait der König zum Latäi;  
 Sait der Schultes: nein, Herr König,  
 Uf deam Schluck koin Tröpfle mai!

Aber i kan jeh schau merka,  
 Daz i gar net käm an's End,  
 Wött i gnau uich Alles bschreiba,  
 Wie se d' Each ausgführet hänt.

Drum will i vom Zug no 's Wichtigst  
 Brichta uich anander noch,  
 Denn sonst müast i währle schwäze  
 Net no huit, a ganze Woch.

Musig ist jech wiederkomma,  
 Manna mit grüansammtne Röck,  
 Us am Huat a gar schöns Sträußle,  
 Herrra no in schwarze Träck.

Viela hänt au Fahna traga, —  
 Us ma Waga kommt a Pfluag  
 Ganz verguldet, Rärst und Hana  
 Und a Egg' und Früchta gnuag.

No a Wag mit schöne Garba,  
 Und an andrer traigt a Haus  
 Mit zwoi Stübla, und do gucket  
 Bauraburst und Mädla raus.

Und jech komma gar zwoi Buaka,  
 Traga do a guldne Stang,  
 Und do ist a Traub dran ghanget —  
 I luig net — gwies ehlaung.

Und a Wag mit gar viel Trauba,  
 Wingerter und Mädla druf  
 Schneides, tretes in de Butta,  
 Warta glei mit Nuiem uf.

Und no Mädla viel mit Rörbla,  
 Äpfel, Biera, Zwetschga gnug;  
 Und a Heurag, Recha, Gabla,  
 Und gar au a Schäferzug.

Und derno in bsondre Trachta  
 Mädla viel von überall,  
 Dehringer, Schwarzwälder, Ulmer,  
 Spoichinger und au von Hall.

No send wieder Reiter komma  
 Von Blobeura, von der Alb,  
 Und von Ravenspurg und Ohla,  
 Und von Hoidna, Gmünd und Kalw.

Und en Waga mit ra Buacha  
 Hänt je gar vom Schönbuach bracht,  
 Der ist kerzagrab druf gstanda,  
 Und hot gar viel Uffstahn gmacht.

Hinter deana ziaget Jäger,  
 Kohlabrenner, Flözer her  
 Mit de Aert und lange Stiefel,  
 Und no Burgermiletär.

Beck, Mehger, Müller, Weaber,  
 Schneider, Coiler, Wägnar, Wirth,  
 Und a Wag mit Wellawaara,  
 Gar so schön und prächtig ziert.

Und von Ludwigsbürg a Waga  
 Mit ra schöne Orgel drin,  
 Und viel andre Sacka, doch i haun se  
 Nimme alle mai im Sinn.

No von deane Salzfalina  
Mit Mußig dia Vergleut äll,  
Und von Salz a schöne Krona  
Trägt derhear an alter Gsell.

Wieder z' Pferd jeh zwölf Trompeter,  
Dia hänt bloßa druf und drein,  
Und viel andre schöne Reiter  
Komma deane hintadrein.

Und a Schiff ist au no komma,  
Uf ma Waga hot mers gfüahrt,  
Und es hot se guat außgnomma,  
Ueberall so schön verziart.

Postknecht zwölf in gäale Kittel  
Blosan au a lustigs Stuck,  
Ganz vergnügt denck i jeh wieder  
An dean schöne Tag do zruock.

Jehet send no Kinder komma,  
Wosfabuaba au derbet,  
Und dernache wieder Fahna,  
Rauthe, bloße, nagelneu.

Deane send drei Herrra gfolget  
Mit so weite, rauthe Röck,  
Schöne Käppla hänt se traga,  
Eilber uf de lange Stöck.



No send komma viele Herrra,  
Hänt en Kirchroß anghet,  
Und a Käpple, grad wie d' Pfarrer,  
Nu net schwarz, 's hoiß violet.

Hinter deane send no ganga  
D' Pfarrer in Prozession,  
No drui Herrra, dia hänt traga  
Unser Konstitution.

Noch deam send Beamte komma,  
D' Lieberkränz no hintadrein,  
Dia hänt müaßa Alles beschliassa,  
Diner muuß der Petscht doch sein.

Aber vor am König dranna  
Send se net de Petschte gwea,  
Eia hänt därfa vor em singa,  
Und do hänt sen au reacht gseahn.

Und derno hot Alles gruafa:  
Wivat unser König hoch!  
'S ist von Stroß zu Stroßa ganga,  
Und vom Herza komma doch.

No ist's ausanander ganga,  
Jeder suacht jeh sein Quattiar,  
Und i lauf und guck in d' Gassa,  
Hauns mein nimme gfunda schiar.

Wie ni sitz beim Mittagessa,  
 Hoipst, der König reit jeh rum,  
 I glei furt, und in de Gassa  
 Sieh ni mi recht um und um.

Hair uf oimol Jubelschreia,  
 Und d' Leut springa uf und a,  
 Denk i: gohst zum graußa Hausa,  
 Nach me glei au zua nen na.

Richtig ist der König komma  
 Und hot dia Verziaring gseahn,  
 Hot de Leut so freundlich grunka,  
 Und ist gar leutjelig gwea.

Denket nich des Wivatrufa,  
 Wo ner se hot blicka laun,  
 Und do hauni i au eingstimmet,  
 Und haun denkt: muahst au mit gann.

Und do hot mern reacht stahn konna,  
 I haun ihm in d' Auga guckt,  
 Wär i nacher bei nem gstanda,  
 Hätt i d' Hand ihm au no druckt.

Ist es do mit Buaba gsprunga  
 Nels dem liaba König zua,  
 An d' Steighügel send sem ghanget,  
 Lünt em au kein Rast und Muah.

Und do hot er no nu g'lachet,  
Sait en au a freundlichs Wort,  
Wieder hots no duunret: Vivat  
In de Strofa fort und fort.

Wie ner b'sichtigt ghet hot Alles, —  
Zwei is's gwies verbei gwea schaun —  
Ist er wieder hoimzua gritta,  
'S wurd en jeh au ghungret hann.

Neabet miar send au Dui ganga,  
Dia so fürchtig gwälschet hänt,  
Halba-deutsch und halb lateinisch,  
Merk i, daß 's Franzhosa send.

Wenn mer des dahaim verzähla,  
Wälscha Zwei von deane Dui,  
Daß der König so ist gritta,  
Glaubt's kein Mensch; der Dritt' sait: Wui!

Jo, denk i, iahr hänts verrotha;  
Vier König därf jo schiar  
Net zum Fianster auße gucka,  
Aber anderster is's hiar.

Denn miar send jo Würtaberger,  
Und send unsrem König guat,  
Und miar thäta für ihn lassa  
Gern äs Leaba und äs Bluat.

Wia's no ist der Nacht zuaganga,  
 Lauſa Viele uf en Berg;  
 Do ist Alles ſchaun nangrichtet  
 Zum a ſchöna Feuerwerk.

So hauni, ich fand nich ſaga,  
 In mei'm Leaba no ner gseah:  
 Hots do praglet, blicht und kradet,  
 Grausich ist's und doch ſchön gwewa

Doch des kan i nimme biſchreiba,  
 Daura thät es nich doch z'lang,  
 Und wött i voll Alles brichta,  
 Würds nich gwieß oft augst und bang.

Stu ſag i no von deam Jubel,  
 Wia der König komma ist,  
 Und des hot no so lang dauret,  
 Bis er gwewa ist uf sei'm G'rüſt.

Und do hot er merka können,  
 Wia mer ihn von Herza mag,  
 Er hot d' Leut so net seahn können,  
 Wia am glockahella Tag.

Do hätt können Mancher ruafa,  
 Du, weil ihn der König sieht,  
 Denn es geit so viel so Schmeichler,  
 Die net denket an iahr Pflicht.

Kasper.

O wie thuat es mi jeh grua,  
 Daß i net mitganga bin.  
 Aber 's gschiebt mer reacht, so geht es,  
 B'sinnt mer je z'lang hear und hin.

Und mein Weib, mei Anuaketter,  
 Get's mit Gwalt so wölle haun,  
 Soll 's Schumachers Rappra sattla  
 Und soll mit diar abe gaun.

Frieder.

Mein ganz Leaba thuat mes freua,  
 Fufzig Gulde nähm i net,  
 Wenn i net dean liaba König  
 Und 's ganz Best mit angseahn hätt.

Drum soll unser Wilhelm leaba!  
 Bivat hauch sein ganzes Haus!  
 Manna, staufet an und trinket  
 Uf sein Wohl dia Gläser aus

**Jörgle und Hannele**  
 bei dem Liederfest in Tübingen  
 (den 24. Juni 1843).

---

**Jörgle von A.**

Lag, Hannele, i glaub, i wur's verrotha,  
 Mo d' nagohst; gelt, gwiesß au zum Liaderfest?

**Hannele von B.**

Dank, Jörgle, Dank! jo freile host du's troffa.  
 Heint flüigt<sup>1)</sup> wie miar, no Maacher us sei'm Nest.

**Jörgle.**

Muafß saga, freu mi gwiesß schaun sit vier Wecha  
 Uß Liaderfest, es wurd se schön anlaun,  
 Des saga d' Leut, dia uf da Märkt nakomma,  
 Deszweaga will i au do abegaun.

**Hannele.**

Do wurd a Menschag'spiel heint z'jama komma,  
 Dia miar in aunsrem Leaba koins gseahn hänt,  
 As Anno bezumol, mo so viel Ruffa  
 In aunsrerer Revlar rum gleaga feud.

(Es fällt ein Schuß.)

---

<sup>1)</sup> Heute fliegt.

Was ist au des? i glaub gar, es hot g'schessa:  
Wenß nu in Lübinga net breuna thuat.

Jörgle.

Du Strohnarr! z' Obed wurd es freile brenna  
Gar manche Herrra unter lafrem Guat.

Wenn nu net mlar a Häuschle au hoim traga,  
Mer trinkt im Durst und ohne Durst so nein,  
Mein Gretle thät a schöne Predich halta,  
Käm i net, wie ni ganga bin, allein.

Hannesle (an der Steinlachbrücke).

Luag, was ist do? des send reacht schöne Reiter,  
Ob dia net gar vom König rufgschickt send?

Jörgle.

'D Stadtreiter sendß, du thuast se nu net kenna,  
Weil sja an andere Muntiering hänt.

Hannesle.

Des wära Lübinge, dia schöne Reiter?  
Dia sitzet wia nangossa uf am Gaul.

Jörgle.

Se müaszet eaba sunst an mauchmol reita,  
Und send beim Graziera no net faul.

Hannesle (an der Neckarbrücke).

Guck au, dia schöne Fahna und dia Bämle!  
Do hänt se gar lahr Neckarbruck mit glart.

Jörgle.

Wach d' Muga uf und sieh dia graufe Fahna,  
Mit deane 's Echloß u. d' Kirch send anegstaffiert!

Hannele.

Brusttüacher könnt mer schöne do drauß macha.

Jörgle.

Au Sonntichschürz für unsre Weiber drauß.

Hannele.

Als Sonntichhosa thät äs Schwarz guat passa.

Jörgle.

Und 's Mauth des nähm se schön als Halbtuach aus.

Hannele.

Luag au, dia schöne Eacha an de Häuser,  
Dia Kränz und Bluama und dia Bäm hervor!  
Do isch fast wia beim Königsfest in Stnagert;  
Do spürt und merkt mer ner vom thuiru Jehr.

Jörgle.

Jez, Hannele, schwäh net so aungscheut außer,  
Dia Bäm und Kränz und Bluama ist mer net.  
Bei soma Fest do muas mer doch au zara,  
So ist's der Brauch in alle graufe Städt.

Hannele.

Herch, Jörgle, wurst mer doch deßzweag net zürna,  
So bais isch währle gwies net gmeint wie gsait.



### Jörgle.

Drum bist jo sunst au gar net vunderhändig,  
Wenns in dei'm Fleck a äbbes Lustigs geit.

Koß Kreuz! do kommt dein Gvattre, 's KaisersLiesel,  
Mit viele Weiber und mit iahrem Man;  
Dia woist gwies schau, wohin mer je muas stella,  
Damit mer Alles siahn und haira kan.

### Liesel.

Si, Gvatterman, iahr send heint spät ufgestanda;  
Miar laufet schau a guate Stund hterum.  
Jez machet nu, daß iahr voll eine kommet,  
Und siahuet ich in alle Stroßa um.

Und intra Stund do send mer no dort drussa,  
Wo's Luschna zuageht, wisset, bei der Post.  
Miar send anfangs müad, häut Durst u. Hunger,  
Jez trinka mer beim Becka Nies en Meist.

### Hannele.

B'hät Gott derweil! miar wöllet nuch schau finda;  
Nemmi, Jörgle, mach, miar müaga tapfer fert,  
Daß miar zua reachter Zeit do außa komma,  
Und halta meiner Gvattere an Wert.

Guck, alle Häuser send so schön ranöpuget,  
Do hoba hangt gar an a Bitter haud  
Vo lauter Gold, dia het gwies reacht viel kofet,  
So gent dia Leut as Geld unnaitig aus.

**Jörgle.**

Echaun wieder keminst mit deine dumme Neda,  
Du schwäpst jo raus, grad wie na dünner Bua.

**Hanneßle.**

I will jo ner mai saga, gang nu weiter,  
Sei z'frieda jeh, i laß de gwiesß in Ruah.

**Jörgle.**

Jeh fahr de um, do kommt a schöner Waga,  
Und zwoi rou deane Reiter vorna drauß,  
Dia zeigt en da Weg durch älle Stroßa,  
Und gent en au no 's Gloit in iahr Wirthshaus.

**Hanneßle.**

Hairsch? hinter uns kommt jeh a schöne Musich,  
Do bleiba mer und länt se an uns her.  
Kog! Bluaßt! <sup>1)</sup> wie viele Glöckla und was; Dinger,  
A Halkmaun <sup>2)</sup> au! dia Etang ist gwiesß reacht schwer.

**Jörgle.**

Mit deana wöllt mer jeh an weiter zaga,  
A schöne Musich ist mei graiste Freud,  
Do könnt mer mi bis nach Paris neu bringa,  
Vergessa thät i alles Kreuz und Leid.

**Hanneßle.**

Guck, do send älle Liaderkränz verjammet,  
Und iahre Fahna hänt se bei nen staun,

---

<sup>1)</sup> Voß tausend. <sup>2)</sup> Halbmond.

Dia müassa mer jeh alle siahn, kumm Jörgle,  
Mer wöllet mit anander umme gaun.

So hauni aber doch da Tag mein's Leabes  
No gar ner gseh'n: Kreuz nein, ist des a Pracht  
In deane Fahna! lauter Gold und Silber!  
Und viele schöne Sacha sunst druf g'macht.

Jörgle.

Jeh wölle mer uns doch a Plägle suacha,  
Wo miar da Zug seahnt, wenns in d' Kirch nein geht.

Hannele.

Noch meiner Gvattre müßmer doch au gucka,  
Ißs dui net, mo am Haus dort drüba stoht?

Jörgle.

Se freila ist jes, guck, se thuat äs winta.

Hannele.

Komm Jörgle, Narr, dui hot da Rummel laus; <sup>1)</sup>  
A Blißweib ist's, dia wißt diar alle Gängla,  
Dia schnufflet Nelle saus, äs Klein und 's Grauß.

Liesel.

Jeh kommet nu mit miar in d' Kirch do umme,  
Do siahn mer Alles, wie nes hermaschiert  
D' nui Stroß do nuf, und ist der Zug no driina,  
— Witsch noch ganga mir no aungscheniert. <sup>2)</sup>

<sup>1)</sup> los. <sup>2)</sup> unbelästigt.

### Jörgle.

Do wurd mer aber Ebbes zahla müäsa,  
Und für mein Ventel wär miar des doch z'rund,  
Des könnt am End mi no en Sechser kosta,  
Und des wär z'viel für so a halbe Stund.

### Hannele.

Hest eaba g'sait, bis noch Paris nein bringa  
Könnt di a schöne Musich, ist's net wöhr?  
Jez mo du zahla jest, witt wieder haufa,  
Und witt ner haira, — schämst de net dervor?

### Liesel.

Jez horet, Mauna, länt iahr mi nu macha,  
Miar kommet Nelle nein und zahlet nir.  
In Schloßhof gwies au schlupfet mer annschriea,  
Von anns kriagt Keiner Ebbes in sein Büsch.

Do gucket nu, jez komma schaun dia Reiter,  
Huaßgänger zaga sachte hintadrein,  
Dia macha doch au gar a lustigs Stückle,  
Miar käm do bald in d' Hüß as Tanza nein.

### Kasper.

Jo Weib, wenn du a Musich hairst, bist eaba  
Tanzlustig no, as wir vor zwanzig Jahr;  
Do wuolest <sup>1)</sup> Händ und Füß und Alles z'säma,  
Du bist a muschbars <sup>2)</sup> Dingle, des ist wehr.

---

<sup>1)</sup> lebt. <sup>2)</sup> heiter, angenehm.

Liesel.

Jez kemmt a Liederkranz, dear hot en Fahna,  
Dear hot se gwäscha, jo sell muas mer sa,  
Wia, jähut ers uet? Do thuat es prächtig glichla,  
Und guldge Zottla hanget neaba ra.

Hannele.

Kez Heidastrahl! Wia viel send des au Sängler!  
Mer muas es jaga, d' Menschheit ist doch stark.  
Dear Zug, dear will jo gar kein End mai neahma,  
Dear dauert fürchtig lang, es ist doch z'arg.

Jörgle.

Und äll die Sängler hänt so schöne Bändel,  
Und ehbes Smolts druf, ghestet an da Huat,  
Und au deam Zolcha thuat mer Nelle kennua,  
Und das mers überall neilassa thuat.

Liesel.

Jez luaget au, do kommet au no Mädla,  
Anzega hänt se heint iahrn Sauchzigstaar,  
Und iahra Härle hänt se schon naugstrählet,  
Und traget Bändel, wie dia Sängler grad.

Hannele.

Do möcht i miar doch Dine au rauéfangu;  
Guck nu, dia hot a Gesicht wie Milch und Bluat,  
Desell dert, wo dear Herr mit iahra schmuset,  
Deam ist's jez gwies reacht wimpel<sup>1)</sup> unterm Huat.

<sup>1)</sup> unruhig.

### Riesel.

Blaid's G'schwäg, einfältige, send des do net Reda!  
Wenn des au ghairt hätt uier Anna Wrei,  
Dui würd ouch wacker uier G'sicht verfraga,  
I glaub, se liaß sich von ouch schoida glei!

### Jörgle.

Nu keine Händel! gucket jeh do afe,  
Des weant so lustige Studenta sein,  
Mer feunt's an lahre Rößla und de Käppla,  
Dia ziaget hinter deane Mädla drein.

### Hannele.

Do kommet no mai mit ra weiße Sahna,  
Und hinter deane wieder Wiletär,  
Dia hänt a schöne Musich, theant au losa,  
I mein, de Letschte ziaget jeh voll her.

### Riesel.

Hänt Neacht, 's ist aus; jeh nu in d' Kirch do eine!  
Es geit no Blas gunag, kommet nu mit mir!  
Wenn do uf einmel Viele einedrucket,  
No schlupfet miar mit deane rein zur Thür.

Wia, fürsche, Wanna! seahut er net des Drucka?  
Jeh muaf es gaun, sunst send mer hinnadran.  
So Kasperle, net wohn, i haun ich gholfa:  
So pfiffig, wia miar Weiber, ist kein Man.

### Jörgle.

Do sieht mer jeh dia Lent und Fahna alle.  
 Gsteckt rohl ist d' Kirch jeh, steht mer um u. um..  
 Dort drüba uf der Orgel standa d' Mädla  
 Und reachts und links d' Studenta um se rum.

Dia weant jeh zairsta do a Stückle singa,  
 Hajo, mer stimmt derzua dia Geiga schaun.  
 Des wurd schön hiana <sup>1)</sup>, i will nu au haira,  
 In deara Kirch do muas es prächtig thaun.

### Hannele.

Guck, jeh gohts an; wie dear dert drüba suchtet;  
 Dia Geiger und dia Blejer machet uf;  
 Jeh fanget an dia Mädla und d' Studenta,  
 Dia jünet jo in alle Haiche nuf.

„Halleluja!“ des hent se oft gnuag gsunga,  
 Es dürst wohl au no ebbes Anderes hear.

### Jörgle.

Vor lauter Schwäzka hairst du net äs Ander,  
 Dein Plappermaul goht allweil hin und hear.

Und jeh isch auß; des ist a schöne Musich,  
 Muas redlich jaga, mi gruit net mein Wang.  
 Do möcht i bleiba jeh und allweil haira,  
 Und thät es dauva no feinf Etunda lang.

---

<sup>1)</sup> tönen.

Liesel.

Jetz kommet auß em Gjangbnach no zwot Gfänger,  
 Dia haira mer, no ganga mer glei fort  
 Und nuf ins Schloß, do thean je wieder singa,  
 I bring ich nein, i haun ich gää mein Wort.  
 (Jörgle, Hanneste, Kasper und Liesel am  
 Schloßeingang.)

Liesel.

Zum kloina Thörle köuna mer net eine,  
 Do standet Manna mit so Stedda Wacht,  
 Soldata au mit Säbel und mit Büchsa,  
 Dia neahmet Alles gar so gnau in Acht.  
 Drum wöllä mer jetz nu a Bißle warta,  
 Es komma gwieß no Leut, die eine weant,  
 Und au kein blutga Heller möga zahla,  
 Miar send net dummer aß die Stadtleut send.

Jörgle.

Wenn aber Nelle an deam Schloß do zahla,  
 Was solla umajunst miar einegaun?  
 Des wär doch gmein; i mach miar fast a Gröffa,  
 Daß iahr mi hänt in d' Kirch so einethaun.

Liesel.

's Herzklopfa müaßta Viele do heint kriaga,  
 Wenn sie's gnau nähmta, wie der Jörgle de.

Jörgle.

So jaget selber: ist's denn repatiarlich?  
 A Schand ist's doch, a graußa Schand, haje!



Drum zahl i jeh in Sahra do mein Zwölfer,  
An Anders mag es macha, wie nes will,  
No brauch i mi net z'schäma vor miar selber,  
Wer musizirt im Schloß dohin no viel.

(Im Schlosshof.)

Hannele.

Guck, Hannele, dear thut se reacht verfehlt,  
Wo in der Kirch drin au jo gwunka het.

Kasper.

I will diars saga, des ist der Thlerektier,  
Dear thuat deszweaga so, daß z'säma geht.

Jörgle.

Gend still, iahr Manna, theant net allweil plaudra,  
Dort stimmt uf sei'm Klarneht an alter Man,  
Dia Andre fallet ein mit lahra Flaitla, <sup>1)</sup>  
Und jeh fangt Alles mit anander an.

Hannele.

Was ist au des? Von Lumpa und von Kappa, <sup>2)</sup>  
So thuat es immer hiana bei deam Gsang.

Jörgle.

Wie schwähst au raus! Narr, Humpa sends u. Knappa  
Bei diar wurd miars anfanga angst und bang.  
Verstohsch, dia Humpa des send graufe Gläser,  
Dia Knappa des send grauffer Herra Knecht',

<sup>1)</sup> Flöten. <sup>2)</sup> Füllet die Pumpen, muthige Knappen.

Und müaszet iahre Herr d' Gläser fülle,  
 Paß nu au uf, no hairst du Alles reacht.

Hannesle.

Luag! des rauthbadich Bürfle thuat do singa  
 Miar ner diar ner so muaterseelaloan,  
 A Spanniger sei ear, so hot er gsunga;  
 Glaubt du des, Jörgle? gelt, du jaist au: noan!

Jörgle.

Halt's Maul! jeh singa Zwoi, dia müasmer haira,  
 Der Ein singt hauch, der Ander sekkendiart,  
 Dia könnest aber prächtich mit anander,  
 'S ist schön, daß d' Musich au mit musenziart.?

Hannesle.

Jeh singa wieder Alle mit anander,  
 Hairsch, wie dear eineblest in sein Trompet,  
 Und wie der Ander neinschläht uf dia Trommla?  
 Wenn dia net wära, thäte so schön gwies net.

Reß Kreuz! 's ist aus, Victoria hant se gsunga,  
 Se ganga schau von iahre Grüster ra,  
 Und weant, schäk woll, zum Mittagessa ziaga,  
 Und miar gaunt jeh zum Jakob Wehel na.

(Nachmittags auf dem Marktplatz.)

Jörgle.

Luag, do send d' Nagelder mit iahrer Fahna,  
 Dia können singa, 's gfallt mer söllich wohl.

Hannele.

Guck au do nüber, do send dia Studenta,  
Dia wölle mer doch haitra au amol.

Jörgle.

Des gfallt mer net, dia singa jo vanskimmig,  
Do singa d' Mössinger viel besser no.

Ein Lübinger Bürger.

Send still, iahr Leut, so singa eba d' Herrra,  
Sie könnets au viel besser, als nu so.

Ein Student (zu Jörgle).

Komm, Friederle.

Jörgle.

I hoaf net so, Herr! Jörgle  
Des ist mein Nam'.

Student.

No, Jörgle, komm mit mir!

(zu Hannele)

Komm du au mit, wir geha jeh spaziera,  
Müßt ihrs nicht saga, prächtig ist's heut hier?

Jörgle.

Woher ist's! i kans net anderster als saga,  
Heint bin i in mei'm reachta Tempament,  
Will saga: Klema, — noan, 's hoist anderst,  
Jeh haun is, in mei'm reachta Element.

2\*

Hanneßle.

Jo, wenn der Jörgle singa hairt, no goht em  
Der Boß an, wie na altes Sprichwort sait.

Student.

Wir wollen auch eins mit einander singa,  
Nu sanget an, und singet recht, ihr Leut!

Hanneßle.

Dear Herr ist doch recht gmoin u. niederträchtig.

Jörgle.

Dear hot jeh au kein Hauchmuath, ischs net wöhr?

Hanneßle.

I sage jo eaba, soll ts nomol saga?  
I moin, di brenn es, Jörgle, schau im Hoer.

Du hest jo schnell 's letscht Schöpple einetrunka,  
Jeh rapplets diar a Bißle in dei'm Kopf.

Student.

Das geht ins Niederfest, müßt euch net gräma,  
Was thut es, wenn ihr heut bekommt en Zopf?

Jeh geht der Zug an, den müßt ihr auch seha,  
Und auf dem Wöhrd, da kommet hin zu mir.  
Ihr kennet mich jeh schon, i bin gut finda,  
Dann trinka mer en frische Stiefel Bier.

(Jörgle und Hanneßle auf dem Wöhrd.)

Hannele.

Herr Je! wie komma so viel Leut do z'säma!  
'S ist gwies a Million! will Alles sein.

Jörgle.

Morum net gar? Narr, des will gar viel heiße,  
Dia glangta net in dia Allee dorein.

Hannele.

Wenn miar jeß nu au dean Studenta fända!  
Dear ist kreuzbrav, käm ear nu au derher!

Jörgle.

Woißsch, was i moin? Miar weant ans Heimgaun  
denka,  
Miar werdat Füaß und Kopf und Zunga schwer.

Hannele.

A Schöpple Bier, des könnt es no verleida.

Jörgle.

Meintweaga, aber 's geit mer voll da Rest.  
Komm, Hannele, mer wölle no anstaufa:  
Es lebe, vivat hauch äs Riaderfest!

## Der Teufel im Baurenhaus.

---

Si, Hansjörg, hast du's au vernomma,  
 Petscht sei dohoba in der Nacht  
 Der Teufel in a Stub nein komma,  
 Hüb so en graußa Lärma g'macht.

Mer hot ganz gnau mit Alles b'chriebe  
 Von seine Füaß an bis zum Hoor,  
 Und do sei gar ner übertriebe,  
 Sei Alles richtig gwies und wöhr.

Am Kopf do hüb er Hörner traga,  
 Sein G'sicht sei gwää ganz schauerlich,  
 Hüb gräßlich brummt und um sich g'schlag, a,  
 'S hüb thaun und poltret fürchterlich.

A Rosschweif sei em abeghanget  
 Schlargar bis uf da Boda na,  
 Er hüb mit Bocksfüaß au ne pranget,  
 Kurzum, 's sei gwää a fürcht'ger Wan.

Hüb mit ra Kettem fürchtig g'rasselt  
 Und thaun und brüllt aß wie na Lö;  
 Aß ganz Haus hüb do z'säma prasselt,  
 Und g'reget hüb se Niemer meh.

So thuat er jeh a Weile laura  
Do drussa vor der Stubathür,  
No goht er plötzlich nein zum Baura,  
Wia dear ihn sieht, so stirbt er schier.

„Dein Weib und Kind will i mitneahma,“  
So schreit der Bais' <sup>1)</sup> an Baura nau.  
„O Herr,“ sait dear, „des thät me gräma,  
Was wär i für a g'schlaguer Man.“

„So muast mer alles Geld heargeaba,  
Des uf ma Hausa bei dir leit. <sup>2)</sup>  
No können se meintweaga leaba,  
I hol dernoher andre Leut.“

„I will dreihundert Gülde holla  
In meinra Kammer,“ sait der Man.  
Do thuat der grimmig Teufel schmolle,  
Guckt freundlich an da Baura nau.

Noch feinsten kan's der Man net finda,  
Er weißt vor Angst net, was er will,  
Jeh thuat er schnell a Liacht anzündi,  
Und goht zur Thür raus mäuslestill.

Der Teufel, der bleibt in der Stuba,  
Und stellt se fest vor d' Bettlad' nan,  
Bewacht aß Weib und an iahrn Buaba,  
Und eaba d' Etiag ra steigt der Man.

---

<sup>1)</sup> der Böse. <sup>2)</sup> liegt.

Do kemmt jeh grad aß Gähle runter  
Mit seinra Büchß hear a Schandarm:  
„Ihr seid jo in der Strof, beim Dunder!“  
Sait dear und packt da Man am Arm.

„Wißt Ihr nicht, daß es ist verbota,  
Mit Licht zu geha unter's Dach?“  
„Oh,“ sait der Bauer, „theant net spotta,  
Do hinna ist der Teufel, ach!“

„Den Teufel will i au angucka,  
I hätt en jo schon lang gern g'seahn;  
Dem will i uf da Leib jeh rucka,  
Des wurd a lustigs Stückle gean.“

„He, Teufel, was hänt ihr do z'schaffa?“  
Sait er und packt en an sei'm Arm.  
Der Teufel thuat jeh z'säma raffa  
Sein ganza Muath vor deam Schandarm.

Doch steht mer'n wanka jeh und beba  
Und zittira wie an Espelaub,  
Mer meint, es kost en gar sein Leaba,  
Er sei schaun stumm und blind und taub.

In Ketta wurd der Teufel g'schlaga,  
Er sait, er sei der Hebamm' Man;  
Er wurd au bald no weiter saga,  
No kan mer airst reacht an en nau.



Des isch doch a reacht dummer Teufel,  
 Dear hot sein Sach net pfissig g'macht.  
 Jetz hebt mer'n uf, do isch kein Zweifel,  
 Und ear wurd au no reacht verlacht.

Wer wurd denn so ma Teufel traua?  
 Der Teufel moint's so immer schlecht.  
 Mit vigne Auga muas mer schaua,  
 Const gschiehts eim, wie deam Baura, reacht.

---

## Das Tischrücken.

Märte.

Mer thuat von ner jeh wirklich schwäga,  
Als vom Tischrucka do und dort.  
Läßst du di, Hanneß, au anbläga, <sup>1)</sup>  
Daß d' Tisch wegrucket von iahr'm Ort?

Hanneß.

Mer kan da Tisch doch anderst stella,  
Als wie ner vorher gstanda hot;  
Des wurd mer au mit saga wölle,  
Net gscheut ist, wers net so verstoht.

Märte.

O Hanneß, host verneabet geschoffa,  
Paß uf und thua a Bisfle gmach!  
Du meinst au, 's seiet ner aß Bossa —  
Nein, nein! 's ist Ernst mit deara Sach.

I bin do gestert nüberganga  
Ge Reutling und haun Stiefel kauft,  
No hot me's noch ma Schoppa blanget  
Beim Becka Benz, deam hot mer tauf.

---

<sup>1)</sup> täuschen.

Wia ni ganz ruahig siß beim Schoppa,  
 Verzähla do dia Gvatterleut —  
 Haun gmoimt, se wöllet mi nu forpa —  
 Von deara Sach, i wur net gscheit.

Sperr 's Maul u. d' Nasa uf u. d' Aura,')  
 Und laß mein Schoppaglas jeh staun,  
 — I haun koin Wörtle net verlaura, —  
 Do host's, was i vernomma haun.

Letscht seiet bei anander gessa  
 Sechs Herrra beim a Gläsle Wein,  
 Und häbet Käj' und Würstla gessa,  
 No fall en au 's Tischrucka ein.

Glei häbet se des Ding angfanga  
 Und d' Finger an anander glegt,  
 Zairst sei es lang net fürsche<sup>2)</sup> ganga,  
 Des Tischle häb se gar net g'regt.

Uf oimol aber, noch zwoi Stunda,  
 Do häb as Tischle Gichter kriagt,  
 Häb gwacklet, uf am Boda drunta  
 Sei's gwää, als hätt mer's Tischle gwiagt.

No fester thään se d' Händ druf drucka,  
 Dear Tisch dear froget ner dernocho,  
 Ihuat immer weiter fürsche rucka,  
 Dia Herrra müasset hurtig noch.

---

1) Dhren. 2) vorwärts.

Jez thuat er endlich gar galoppa,  
 Hebt ein Fuaf noch am andra uf,  
 Springt immer fort und thuat se foppa,  
 Geit deam en Stauff und deam en Buß.

Und z'letschta kommt er so ins Springa,  
 Dia Herru müast en laufa laun.  
 Des goht net zua mit reachte Dinga —  
 Wie kan a Lisch von selber gaun?

### Sannes.

I mein, mer häb di nu angloga —  
 Wie's immer reachte Schelma geit —  
 Gleit will i heint da Pfarrer froga,  
 Was deat zum Luifelszug au sait.

### Märte.

No muast mi ader drüber brichta,  
 Wie's diar der Pfarrer auslegt het.  
 Des send jez wieder nui Gschichta;  
 Will slahn, wie's au no weiter goht.

### Der gefährliche Mitt.

I muasch uich an a Muigkeit,  
Dia miar passiert ist, saga:  
Letstet hau ni uf dan Nisterberg <sup>1)</sup>  
En Butta ufse traga.

Und wie ni wieder aber komm  
Do umme geg' nam Graba,  
Ihuat uf ma Schimmel a Student  
Bis ans Museum traba.

Dear salt zu miar: o möcht ear net  
Dean Gaul ans Schmidthor bringa?  
No weist er selber voll da Weg,  
Dort läßt ern eaba springa.

Geit mir en Sechser für mein Müah,  
I denk: dean kanst mitneahma,  
Bedank me. schön und süahr da Gaul  
Am Zohn und an de Neama.

No denk i: ei, du könntst mi au  
Bis num ans Schmidthor traga,  
Und heb me fest am Sattelknopf  
Und an de Hoor am Kraga.

---

<sup>1)</sup> Deslerberg.

Witsch! bin i droba uf am Gaul  
Und moin, er weard galeppa, —  
Net von der Taka geht er jekt  
Und thuat me ner als foppa.

I gib em guate Wörtla zairst <sup>1)</sup>  
Und thuana au no streichla;  
Do helssa guate Wörtle ner,  
So wenig als as Schmeichla.

Denk, wenn i mit mei'm G'ruahwer <sup>2)</sup> ihm  
Dins geab, no werd er wöllä  
Und werd se nimme länger mai  
So rappelköpfig ställa.

Rog Kreuz! wie komm i jek in Nauth!  
Wie thuat des Luader springa!  
I nimm en um da Hals und wöll  
Ihn so zum Halta bringa.

So Dreckle! do hilst Alles ner,  
Mein Müah ist ganz vergeabes,  
Bin wie der Vogel uf am Zweig  
Net sicher mai mei's Leabes.

Der unter Roif am Butta dran  
Ist uf- und abeganga,  
Und i haun in der Laudesangst  
Net könnä hintre langa.

So hot des Roiffe ällaweil  
Ihm uf da Buckel peltret,

---

<sup>1)</sup> zuerst. <sup>2)</sup> ein Stoch.

Und deßetweaga het er au  
So tuiſelheſtig koltret.

An's Schmidthor, dent i, iſts net weit,  
Do wurd er no ſchaun halta,  
Bis dort nan wurd ſein Fuier gwief  
So noch und noch verkalta.

'E iſt Nelles ner, der Brucka zua  
Springt ear, verbei am König,  
Und weils no frühah iſt, ſieht man au  
Kent' uf der Stroß no wenig.

Und ſo kommt mlar au Niemer z' Hilſ,  
Muaf nan, mo ear het wölla.  
Wenn nu au Ebber komma wär,  
Der 's Roß hätt konna ſtella.

Din Danga noch der andra fällt  
Bom Butta ra uf d' Stroß;  
Dear Gaul het uf ſein Buckel kriagt  
Mai as a Duged Moſa.

So ſpringt er fort am Miſpach num  
Und an de andre Felder,  
Und wie im Flug bin i do huß  
Schaun bei der Armetäfelter.<sup>1)</sup>

Jetzt kommt a Fuahrman mit zwei Gänl,  
Moint, i ſei Fuierreiter.  
„Wo hin ſo ſchnell? Wo brennt es denn?  
Wo will er nan?“ ſo ſchreit er.

---

<sup>1)</sup> Arbeitsfelter.

„Ist des a Frog; iahr seahnet's jo,  
Wia ni in Gfohr thua schweba,  
Drum ganget hear und helfet mer,  
I kan da Gaul net heba.“

Der Fuahrman packt da Gaul am Zehm,  
Jetzt hahrt er uf z'galoppa.  
Glei stetg i ra und denf bei miar:  
Hättst nu en guata Echoppa!

So währle! 's ist koin Kleinigkeit,  
Uf so ma Quader sitza;  
Was hauni bis zur Kelter naus  
So fürchtig müasze schwitza!

Bei so ra Gfohr, jo do vergoht  
Dim plöghlich alles Lacha.  
Mein Butta hauni wieder au  
Frisch müasza lassa macha.

Des hot mi grad zwölz Kreuzer kost,  
Was hauni jeh für'n Ruza?  
En Sechser geit miar der Student,  
Do kan mer je reacht puga.

I gang gwies uf koin Gaul mai nuf,  
Des will i glei versprecha;  
Do könnt's Dim währle übel gaun,  
Mer könnt' da Hals gar brecha.



## Der ungefährliche Ritt.

'S ist Diner letscht in's Gäu nufgritta,  
Do im September schaun ist's gwää,  
D' Grumblera seia dort so g'rotha,  
Häirt ear, jeh will er's selber seahü.

Der Gaul ist zairsta tapfer gloffa,  
Der Reiter hot sein Freud dran ghet,  
Doch ist es em bald z'lustig ganga,  
Der Gaul staußt z' arg, des gfallt em net.

Er reißt am Zohm und thuat en sperna,  
No wißt dear Gaul net, was er soll.  
Jeh thuat em do a Man verkomma,  
Dear sait: „so wurd des Thiarle toll.“

„Drum bin i,“ sait der Bagareiter,  
„No nia nufkomma uf en Gaul.  
Zum Rutscha-Fahra ist mers z'theuer,  
Zum Lausa aber bin i z'faul.“

Der Ander sait: „'s Schuahmachers Rappa  
Schmeißt Din net von der Haiche <sup>1)</sup> ra;  
Drum wear net reita kan, soll lausa,  
No ist er zehamol besser dran.“

<sup>1)</sup> Höhe.

Des Gänle ist jech wieder glosa,  
Der Reiter kommt in's Dertle nein,  
Steigt a beim grüana Böm do drinna  
Und ist a Wuhrst und trinkt en Wein.

Und sait zum Wirth: „was will i saga:  
Grumbiera brücht' i zwanzig Säck;  
Se seiet jo bei ouch so g'rotha,  
Haun's selker gseahn dia schöne Stöck.

Doch thät is uf a m Hal m gern kaufa,  
Drum geant miar jech en guata Roth,  
Wiani am bräussta köunt' ankomma,  
Wer wohl de allerbeste hot.“

Der Wirth schreit glei sei'm Nachbar rüber,  
Dear hää as schönst Grumbierafeld,  
Und lais' aus Korn und Raps und Rüaba,  
Ans Allem eaba 's meiste Geld.

Der Nachbar kommt, es wurd glei ghandlet,  
Se ganget uf dan Acker naus.  
'S ist wohr, dia Stöck dia standa rrächtig;  
Mer thuat ven oi'm dia Knolla raus.

„Ja, dia send schön, des muas i saga,“  
Hot jech der Städterreiter g'meint,  
„Do ist es aber au kein Wunder,  
Wo äll weil d' Morgason nana schaint.“

Kurzum, der Handel wird jeh richtig ;  
Der Bauer kriagt a Drufgeld non,  
Der Reiter läßt sein Mößle sattla  
Und reitet ganz vergnüagt dervon.

Raum ist er a halbs Stündle gritta,  
No will der Gaul net weiter gaun ;  
Er spornet en, hant en, thuat en streichla,  
Doch 's Mößle bleibt ganz ruahig staun.

„Wart, Luader, jeh mußt airst no laufa,  
Du host jo g'fressa, sei net faul!“  
So schwägt er für se nan im Aerger,  
Und plötzlich steigt er ra vom Gaul.

Und führt en gmächlich fort am  
Züagel  
Und träppelt langsam neab'nem her  
Weil er en Wolf hat, und drum denkt er:  
„O wenn i nu dahoim schaun wär!“

Und wie ner d'Hoimet steht von weitem  
So murds em wieder leicht ums Herz ;  
Sein Handel thuat en wieder freua,  
Vergessa ist jeh aller Schmerz.

## Das theure Schloßaufbrechen.

Gottfried.

Komm, Michel, laß derß au verzähla,  
Was i von Nageld mitbrocht haun;  
Du wurst au müassa drüber lacha,  
Es wurd diar grad wie miar au gaun.

Michel.

Gottfriedle, därf mer diar wohl traua,  
Dafß du au bei der Wohret bleibst?  
Du thuast Din gern a Biffle foppa,  
Mer woist, daß d' gern a Späfle treibst.

Gottfried.

Guck, Michel, kauft de druf verlassa,  
'S ist wohr, was i diar saga will.  
Jez thua de nu do ane seha,  
Und hair mer zua ganz mäuslestill.

Dohoba im a Ort bei Nageld,  
In Dings — fog Kreuz! wie hoist es dach?  
In Wildberg, — nein! — Istß net Ebhanja?  
Nei währle! au net Igelsloch.

'S ist eins! was soll i mi lang bsinna?  
'S kommt net viel uf da Nama an.  
Also dohoba in deam Dertle  
Wohnt au an alter bheber Man.

Dear hot do letscht sein Kastaschlüssel  
Berlegt und find't en nergeds mai;  
Drum muas mer glei da Schlosser hola,  
Und dear thuats net umfuhst, — o waih!

Der Schlosser kommt und thuat probiara  
Din Dietrich noch am andra gschwind,  
Doch muas er viel in d' Hand non neahma,  
Bis er am End da reachta find't.

Und jeh hot ear da Kasta offa.  
„Was bin i schuldig?“ frogt dear Man.  
„Weils iahr send, Noohbar, nun en Baga,  
'S kommt miar bei uich net so druf an.“

Was? sait der Ander, nun en Baga?  
Des ist beim Kutuf sträflisch viel;  
Do ist doch übriggnuag a Groscha  
Für so an Arbet, so a Spiel.

Dear Schlosser aber ist glei bsonna,  
Und schläht <sup>1)</sup> da Kasta wieder zua,  
Und sait: jeh könnt ern selber öffa,  
Mi aber länt er fein in Ruah.

---

<sup>1)</sup> schlägt.

Er nimmt sein Handwerkszeug jeh z'säma,  
Und macht je aus der Stuba fort.  
Dear Man, dear woißt em aber z'helfa  
Und schickt glei in an anders Ort.

Der Schlosser soll glei zu nem komma,  
Weil er an Arbet für ihn häb.  
Dear läßt em aber wieder saga,  
Er komm net, denn er sei em z'bheb.')

Er kenn en schaun aus früh're Zeita,  
Sei net guat ebbes mit em haun,  
Er soll im Ort da Schlosser neahma  
Und ihn nu in der Ruah jeh laun.

Dear Man muas jeh noch Nageld schicka,  
No kommt a Schlosser glei derher,  
Und sait: do ist jo ganz guat helfa,  
Ist net'mol für en Junga schwer.

Beim airsta Dietrich ist er offa  
Dear Kast. „Was bin i schuldig jeh?“  
Fregt glei dear Man; „'s macht dreißig Kreuzer.“  
„O jeh! was hänt iahr für a G'schwäg?“

„Was meint Er denn? muß z'lieb rauslaufa,  
Des kost's und wen'ger nimm i net;  
Er Jan's jeh sieda oder brota,  
I läß au zahla meine Schritt.“

---

') zu genau, geizig.

Dear Man muaf in da Beutel ftecha,  
Und zahlt da Schlossermeister aus.  
Dear nimmt sein Geld und trinkt en Scherppa,  
Und goht no druf vergnügt noch Haus.

Michel.

Deam Knicker mag i's aber gennta,  
Hätt möga slahn sein sauers G'sicht.

Gottfried.

So jo, host Neacht, mein lieber Michel!  
Net wohr, es ist a nette G'sicht?

## G e s p r ä c h

zwischen einem Städter und einem Bauer  
über das lange Regenwetter.

(im Juni 1856.)

### Der Bauer.

Jetz hätt's übriggnuag doch g'regnet,  
Alles hot sein Feuchtigkeit;  
D' Felder stända so schön g'segnet,  
'S wär a Staat und 's wär a Freud.

### Der Bürger.

'S Wetter wird jeh au umkehra,  
Denn as Wetterglas stobt hoch,  
'S Regna, denk i, werd aufhöra,  
Do könnt Alles g'rotha noch.

### Der Bauer.

Hoßning hau ni, muas nu saga,  
Währle gleichvoll koine mai.  
'S Klema, moin i, häb umg'schläga,  
I behaupt's und bleib derbei.



Seit mer fahrt uf Eisebahna,  
Ist koin Glück mai und koin Stern,  
Nega bringa d' Wetterfahna,  
D' Obstbäum traga nimme gern.

Wein wills au schaun lang net geaba,  
D' Stoinlach wilahlt dia Neker z'taudt;  
Des ist jo an ärmlichs Leaba,  
Ner as Johner, ner as Nauth.

### Der Bürger.

Und do solla d'Eisebahna  
An dem Allem schuldig sein,  
Und an dem, daß d' Wetterfahna  
Bringa lang kein Sonnaschein?

### Der Bauer.

I will ihm des deutlich macha,  
Des kommt von dem graußa Dampf —  
Ja Gar därf mi net auslacha —  
I sage nehmol, 's kommt vom Dampf.

Und dear Dampf, muaf Gars net saga,  
Kommt dear net vom Wasser her?  
So viel Daunst<sup>1)</sup> kan d' Luft net traga,  
Denn dear ist jo graußich schwer.

---

<sup>1)</sup> Dunst.

Und do fällt's als Mega runter,  
D' Flüß' und Bäch', dia laufet aus ;  
Deß verstobt a Kind, beim Dunder,  
Drum lach Gar mi nu net aus.

Der Bürger.

O mer könnt ihn Luga strofa,  
Er ist uf am Holzweg, Freund !  
Thu er nohmol drüber schlofa,  
Des ist anderst, als er meint.

---

## Der Spaz und das Milchbrod.

---

Bin letschtin do zum Thor naus ganga,  
Guck an en Beckalada nan,  
Do packt a Spaz a Milchbrödle  
Und läßt ses herrlich schmeda dran.

Dear Beck ist drin am Feanster gessa  
Und hot sein Mittagsschläfle gmacht,  
Des Spägle hot als einegucket,  
Der Beck ist aber net verwacht.

Diar, Spägle, denk i, mag is gonnta,  
Und guck em bei sei'm Schmausa zua,  
Es kan formacha als no länger,  
Dear Beck, dear pflegt noh seiner Ruah.

Jez hot der Spaz vor lauter Freuda  
En Hopser und a Pfiffle thaun,  
Und des hot von sei'm Mittagerruahle  
Da Becka jez vermacha laun.

Dear moint, er könn da Dieb verwischa,  
Und reißt as Heanster plögglich uf,  
Des Spägle nimmt as Milchbrodrestle  
Und sliagt uf's nächste Dächle nuf.

Dear Bedd, dear muaf jeh selber lacha,  
Des Spägle frist sein Milchbrod dort.  
„Ihät Gar sein Milchbrod graißer macha,“  
Sag i, „nähm's au der Spag net fort.“

---

# Der getröstete Bauer.

„Mein Weib ist taudt,“ so heult a Bauer,  
 „I bin jeh doch reacht übel dran.“  
 Als wär er in der tieffta Trauer,  
 So thuat er allweil fort, dear Man.

Doch hot er net viel guata Stunda  
 In feinfazwanzig Jährla ghet;  
 Gar hot manchmol a Härle gfunda  
 Im Glück mit seiner Lisabeth.

Doch johmert er jeh in sei'm Schmerza:  
 „O jeh! mein Lisabeth ist taudt!“  
 Und thuat, als gang es ihm von Herza,  
 Als wär er in der graifsta Rauth.

No kommt der Pfarrer, thuat en trösta  
 Und sait: „o heul Er nuh net so!  
 Sein Weib hots jeh im allerbesta,  
 Gott hat sie ja, nun ist sie froh.“

„So,“ sait der Bauer, „Gott hot's wölla,  
 Em liaba Gott will is gern laun,  
 Doch wurd er, will ers zfrieda stella,  
 Mit iahr sein liaba Rauth oft haun.“

---

## Michel und der Jude.

Zum Michel, zu mei'm G'vatterman,  
Ist letzcht a Jud nein komma,  
Dear biatet ihm an Uehrle an;  
Der Michel, der hot's gnomma.

Und geit em a Karlin haar Geld,  
Der Jud thuat garentiara,  
Der Michel hält se sicher g'stellt,  
Er kan jo d'Uhr probiara.

Ele zeigt au d' Zeit ganz richtig an,  
Goh't fort as wia am Schnüarlez,  
Der Michel hot sein Freudle dran,  
Wia an sei'm junga Ettarle.

Noch vierzeah Tag do stoht se still,  
Und goht koin Schrittle weiter.  
"Wia ni dean Judä kriaga will,  
Dean Mauschele," so schreit er.

Der Michel geht zum Juda nau  
Und sait: „Gar sott se schäma,  
Gar ist a reacht verbschiffner Man,  
Gar muaf dia Uhr z'rucknehma.

Hot Gar net g'sait, 's sei guate Waar?  
Wia hot Gar mi betrega!  
Des Uehrls, sait Gar, sei ganz rar;  
Gar hot mi reacht ang'loga.“

„Wenn Er,“ nimmt jeh der Jud as Wort,  
„Müßt verzehn Tag lang geha  
So immer an anander fort,  
Würd Er gwies au still steha.“

---



## Die schlimme Fahrt.

---

Im vor'ga Herbst haun i vernomma,  
In Reutlinga gebs schöne Bäm'.  
I sott nu — denk i — nüberfahra,  
Dass i glet a Paar Duxed nähm.

I thua mei Wägele glei rüsta  
Und spann da Schimmel plöglisch ein,  
Dear ist wie bsessa nüber gloffa,  
Denn ear goht allaweil ganz fein.

I haun eingestellt im gulbna Dössa,  
Und frog glei noch ra Oleagahait,  
Wo i könn schöne Bämle kaufu, —  
Und wie oin Ned de ander geit:

So hair i au, es geb Grumbiera,  
Die seiet wohlfeil und ganz guat,  
Dia kan i währle au no brauchu, —  
Wie sich mein Fahrt jetz machu thuat!

I thua glei sieba Säck einkaufa  
Und stell's derweil in Hof do nein,  
No haun i noch de Bäm' au gucket,  
Dia send miar aber alle z'klein.

No weiß't mer mi zum Kaufmann Fuchja,  
Dear häb de schönste, rarste Bäm,  
Und i fahr do im allerbeste,  
Wenn i bei deam dia Bämle nehm.

Dear Fuchs, dear hot sein Obstbomgarta  
Von Reutlinga fastgar a Stund:  
Doch ist dia Bomschual schön nangrichtet,  
Und hot en reachta guata Grund.

Do hänt mer glei anfanga graba  
Und i lad vierazwanzig Stuck  
Uf's Wägele und thua einspanna.  
Und fahr uf Reutlinga no z'ruck.

Mei Schimmele kriagt Heu und Haber  
Und i trink no a Schöpple Wein,  
No lad i Alles uf da Waga  
Und spann mein Gäule wieder ein.

Wiant wegfahr, hot's Siebne gschlaga,  
Dia Räder haun i vorhear gschmiart,  
Mei Schimmele ist lustig glosa,  
Es hot em selber jeh pressiart.

Bald bin i z' Beringa am Vergle,  
No sieh ni, daß mei Teppich fehlt,  
Dean haun i nanglegt ghet uf d' Wämle,  
Eechß Gulde hot er kost haar Geld.

I spann da Schimmel a 's und fähr en  
Mit miar as Vergle na am Hom.  
Gar hot net wölla mit miar lausa,  
Und sunst ist ear wia Lamm so fromm.

Da Teppich haun i wieder gfunda,  
Und bind en uf da Waga nuf,  
Da Schimmel stell i nan an d' Reisel,  
No kommt a Schees as Vergle ruf.

I guck net num, mei Schimmel aber  
Laufst plöglisch hinterm Scheesle drein,  
Und wie ni wieder will einspanna,  
Ist ear schaun über 's Vergle nein.

I spring em noch, i schrei em Rutcher,  
I pfeif — umsunst ist Alles gwea,  
Im Träble lauft mei Schimmel weiter,  
I haun en immer vor mer gsehn.

Bei Jataburg as Etichle uff  
Do haun en endlich doch verwischt.  
Wo witt denn nan, du Erduader,  
Daß du dervon miar gloffa bist?

Umfaira hot er nimme wälla,  
 Bis i ihn reacht verschlaga haun.  
 Was meinst denn? sag i, witt mi zwinga?  
 Nuzt ner, du muast mit mir jeh gaun!

Zum Waga bin i endlich komma,  
 Und spann da Schimmel wieder ein.  
 No ist er wieder tapfer gloffa  
 Und träblet allweil druf und drein.

Mei Lebtag will i net vergessa,  
 Was domols i ausgstanda haun.  
 Hätt i nu net beim Teppichbinda  
 Da Schimmel an der Leisel glaun!

# Das Tübinger Liederfest am 31. Mai und 1. Juni 1857.

(Hansmarie, Jörgfrieder und sein Weib  
Annamadel kommen am Sonntag Abend vom Tü-  
binger Liederfest zurück und erzählen ihren Kindern  
und Bekannten von demselben).

## 1.

Hansmarie.

Do wära mer vom Liederfest jeh z'ruck;  
Ist des a Treibes gwea, o Michel, guck,  
I kan ders währle net ausführlich bschreiba,  
Kan ner versfür, wur manchmol steda bleiba.

## 2.

Michel.

Et fang nu an, bet diar stoht's unter'm Huat  
Ganz richtig und dein Mundstuck ist au guat.

Annamadel.

Und wo nes fehlt, do will i sekkendiara,  
Und Nelles glei in's richtig Gloisle führa.

3.

Hansmarte.

Wiar send in d' Stadt neikomma umma drei,  
Wean slahn i do? Als Kaspers Anna Wrei,  
Dia letschhin g'heiret hot noch Dearadlinga,  
Dia sait es no, ihr Dian thä au mitjunga.

4

Wia ist dia Bruck, wia send dia Häuser ziert!  
Wia send dia Lieberkränz derhear gstolziert!

Annamadel.

Hansmarte, halt, i muas di nu dran mahna,  
Bergiß mer net dia viele schöne Sahnna.

5.

Jörgfrieder.

Kanst 's Maul net halta? ear denkt selber dran,  
Nu das er's net uf einmol saga kan.

Hansmarte.

Jo, heft mer's wahrle grad vom Maul wegg'nemma,  
Wär grad jeh noch uf dia Sahnna komma.

6.

Und uf der Kirch und droba uf am Schloß —  
Des hänt mer gseahn schaun drussa uf der Stroß,  
Do send sa schöne grauße Sahnna ghanget;  
Doch uns hots noch ma Schoppa jeh au blanget.

7.

Und wie mar so beim Trinka sita do,  
So hot es eaba allweil gregnet no,  
Und i sag zua mei'm Better, zum Jörgsfrieder:  
O wäre mer dahaimta nu schunn wieder!

8.

Dumm's Gschwäg! sait d'Annamadel do, mein Weib,  
Bleib miar, Hanemarte, nu zeah Schritt vom Leib!  
Was thuast de denn so eselsdumm gebarba?  
Des Wetter wurd hüt schunn no anderst wearba.

9.

'S ist schön no anderst woarba; ner isch gwea,  
Des hänt mer bis dean Obed Alle gseah.  
Dia Lübinge hänt währle nimme g'lachet,  
Ganz trüaba G'sichter hänt se 'Nell' nangmachet.

10.

Uf oinmol hoifts, mer gang in's Reithaus nein,  
Do könn mer voar em Reaga sicher sein.  
Als Raspers Hansa Michel hot es gwunka,  
No hänt mer tapfer unsern Wein austrunka.

11.

Und uf de Strofa seahn mer gar viel Leut,  
Dia laufa do und springa wie net gscheit,  
Do hänt mer zairsta müassa drüber lacha,  
Und noch hänt mer's au so müassa macha.

12.

Am Eingang hot's a reachte Stöckling gea,  
Denn d' Menschheit ist erschrecklich stark do gwea,  
Aunbschriea bin i durch dia Leut neinkomma,  
De Andre hot mer am Schlafittich gnomma.

13.

Drei Baga kost's, schreit Diner, rüstet 's Geld,  
Dass Diner net dan Andera ufhält.  
A guate Stund ist aber gwies verganga,  
Bis dass mer mit am Singa het angfanga.

14.

Jetz hot a Musich nu a Zoißa gean,  
No hänt se Nelle uf en Herru g'jeahn,  
Und hänt, wie ear hot gsuchtlet, nochegjunga,  
Und des ist mir durch Mark u. Bein neindrunnga.

15.

No hot an alter Herr a Predich thaun,  
Net Nelles haun i könne reacht verstaun.  
Druf ist a schöne graue Fahn hearkomma,  
Dia hot an Andrer an der Stanga gnomma.

16.

No hänt se no zwoi Lieder haira laun,  
Und do hot d' Musich au bei oim mitthaun,  
Und noch hänt dia Liederkränzler gunga,  
Bei Manche hot es gar net übel klunga.



17.

Von Maibringa, von Luschna, Deckapfronn,  
Von Wasseralfinga und von Hallbronn,  
Von Waldbuch, von Berg und Reutlinga,  
Von Mautaburg und au von Bezinga.

18.

Dia und no mai hänt g'funga nu um d' Wett;  
Wenn nu a Jeder au da Preis schaun hätt!  
Do wurd a Mancher umasunst haun g'funga,  
Denn alle Liederkränz ist's gwies net glunga.

19.

Annamadel.

Hansmarte, desmol aber bist lez dran,  
Sag's nu au reacht und wia na gscheiter Man.  
Und i haun's vom a reachta Man vernomma,  
'E thä jeder Liederkränz was überkomma.

20.

Jörgsfrieder.

'E ist gwies wohr, was mein Annamadel sait,  
Haun 's Nämlich ghairt und dos von reachte Leut.  
Und morga thuat mer's offetlich verkündä,  
Do thua i wieder mi derbei einfindä.

21.

Annamadel.

Sunst ner mai! Man, do kumst mer eaba g'reacht:  
Der Michele, so haun i bei miar dächt,  
Gohst morga abe mit der Annakätber,  
Wenn anderster no besser wurd as Wetter.

22.

Hanemarte.

Dein Weib hot Neacht, mein lieber Gvatterman,  
Mer läßt au d' Kinder zua dear Gschicht do nan;  
Miar Alte hänt jo huit da Glust schaun küäset,  
'S ist reacht, daß au de Zunge Ebbes gniäset.

23.

I laß derno mein Zockele au mit,  
Dear hält mit uire Boide gleiche Schritt.

Jörgfrieder.

Es bleibt derbei, sie jolla nu maschiera  
Und solle se au cardalich uffüahra.

24.

Hanemarte.

Will seahn, wear wohl dan airsta Preis wurd friega.

Annamadel.

Was schwägst au raus? Do müäst jo Alles lüaga,  
Wenn net der Mautaburger Niederkranz  
Dia andre Sängler alle rasticht ganz.

25.

Jörgfrieder.

Glaub's selber au, dia hänt am schönsta gsunga,  
Des ist Dim jo durch alle Glieder drunga.

Annamadel.

Und Diner hot sein Weisung schön nausgsüahrt,  
Und Triller g'schläga, des hot Alles ziart.

(Michele, Anna Käther und Jodelse erzählen  
nach ihrer Rückkehr am Montag Abend ihren Eltern  
den weiteren Verlauf des Liederfestes.)

26.

Michele.

I bin ganz müad vom Gucka und vom Lausa,  
I liah mers aber währle net akausa,  
Was i in Lübinga verleabet haun,  
Wenn i mi glei haun oft verdrucka laun.

27.

Anna Käther.

Der Achte schayn send miar an d' Neckerbrucka  
Mankomma und hänt währle ner as z'gucka.  
Mit Leut ist's gloffa uf de Stroßa rum,  
Miar seahnet uf und a und rum und num.

28.

Uf oinmal haitra mer jeh prächtig singa,  
No hoist's, des seiet Leut von Eigmaringa,  
Sie singet immder vom atlantische Meer,  
Wenns vom a guata Wein nu angfüllt wär.

29.

Jodcle.

Send net versteckt, muß Dins wies Ander saga,  
An soma Fäße könnt is au vertraga.  
'S ist aber ner als Larefarezuig,  
Sag's selber, Annatäther, ob i luig.

30.

Annatäther.

Ihr Buaba könnet freile söllich lupfa,  
Miar Wiäbla theant nu so a Bißle supfa.

Michele.

Host net beim Becka Erbe au mittthaun?  
Dein Gläse net au abelaufa laun?

31.

Annamadel.

Nu keine Händel! B'richtet uns jeh weiter!

Michele.

Uf einmol kommt derhear a Duzed Reiter,  
Und deane laufet miar jeh hintadrein  
Und denka, des werd wohl as Gschiettest sein.

32.

Und richtig send se uf en Platz nangritta,  
Do hänt se viele Leut um Plätzla gstritta,  
Dia Liederkränz send do versammelt gwea,  
Dia hänt mer alle bei anander gseah.

33.

Annalätcher.

Und Mädla send do gstanda, schнайweiß kloidet,  
Do haun i meine Auga au dran gwoidet,  
Und schöne Sträußle hänt se ghet im Heer,  
Do bin i ner. vergaga, sell ist wöhr.

34.

Annamadel.

O Mensch, wie schwägst au raus und bist annzfrieda?  
Nimm wie du host und wie nes diar ist bichieda,  
Und stell de net zua deane Mädla nan,  
Du kriagst doch au, wie dia, amol en Man.

35.

Jörgfrieder.

Jetzt predichst wieder, Weib, du mücht mer lacha;  
Laß du sia selber in der Sach fortmacha;  
Wie können se denn brichta von dem Fest,  
Wenn du's net immer fortverzähla läßt?

36.

**Jodele.**

Se rucket an mit ihrer graufa Fahna,  
No predicht Diner ra vontra Altana,  
Und nocher geht der Zug in d'Kirch nein an,  
Und miar, miar laufet ällweil neabadran.

37.

Miar send jech besser als dia Andre gfabra  
Und theant as Geld uf Nochnittag verspara;  
Der Gsang het hussa au ganz prächtig thaun,  
Da Sechser hänt miar nu im Beutel glaun.

38.

In Schloßhof haun i wölla aunbschria komma,  
No hot mi Diner am Schlafittich gnomma  
Grad an deam Plaz, mo's nübergeht zur Bruck,  
Und schilt mi aus und staust mi wieder z'ruck.

39.

**Michele.**

Zum Glück haun i en rautha Bändel gfunda,  
Dean haun i tapfer an mein Wammes bunda,  
Und komm ganz wolkel in da Schloßhof nein,  
Do ist es aber jöllich voll schaun gjein.

40.

**Annakäther.**

Woß währle net, wie ni bin eluegschlupfet,  
Und doch hot mi kein Mensch am Ärmel zurfet,

Uf otmol bin i in deam Schloßhof gwea  
Und haun miar d'Leut und Alles do reacht bseah.

41.

**Isidore.**

Und i haun in da Beutel müassa stecha  
Und haun beim Strohl drei Baza müassa blecha,  
Doch gruit mi's net, i muß es redlich sa,  
Zua fora Gschicht ging i glei wieder na.

42.

**Isidore.**

Des muß mer sa, se hänt so prächtig gfunge,  
Und alle Gsänger send en ganz guat glunga.  
Uf Din, dear gschietet hot, gänt Nelle Acht,  
Und manchmol hot au d' Musich no mitg'macht.

43.

**Annaläther.**

I bin grad hinter deane Jungfra gstanda,  
Haun Alles gseahn und Alles guat verstanda.  
Wenns nu a Bifle länger dauret hätt!  
I haun no nex so ghairt, so schön und nett.

44.

**Isidore.**

Im Nochnittags ist's uf da Wöhrd nausganga,  
Mit Singa hot es wieder do angfanga,  
Dernochert hot mer viele Gsangverein  
Dia Gschenter gea, dia send vergnüagt no gsein.

45.

**Jockele.**

No send dia Liederkränz an Lisch nangjesa,  
Hänt gfunge do, hänt trunke und au gessa,  
Und miar hänts ihne bald au nochethaun,  
Hänt Bier u Brod u. Wuhrst uns geaba laun.

46.

**Annamadel.**

Jetz därfet er sobald net wieder komma  
Zua sora Gschicht, sunst müßta mer ouch bromma.  
Miar hänt ouch gern dia Freud zuakomma laun,  
Als Schassa, moia i, wurd jeh wieder gaun.

47.

**Michele.**

Will hoßa, jo, doch muaf i no fürbringa,  
I möcht gern au, wie dia dohunta singa.  
Miar machet, Jockele, en Gsangverein,  
Und der Proviser muaf Thierekter sein.

48.

**Jockele.**

Bin au derbei, und aunsre Kamerada  
Wurds au reacht sein und thuat en gwies uer schada.  
Glei ganga mer jeh zuam Proviser uan,  
Des ist der Man, ders uns reacht learna kan.









